

Канон молебный ко Пресвятой Богородице, поемый во всякой скорби душевной и обстоянии

с прибавлением молитвы о восстановлении мира

*«Во дни Великого поста, когда Церковь в покаянии предстоит Господу, обращаюсь ко всем вам, мои дорогие, с призывом читать ежедневно **«Канон молебный ко Пресвятой Богородице, поемый во всякой скорби душевной и обстоянии»** с прибавлением к нему утвержденной ранее **«Молитвы о восстановлении мира»**, – сказал Первосвятитель в своем обращении от 16 марта 2022 года.*

Молитва о восстановлении мира

Владыко Многомилостиве Господи, Иисусе Христе, Боже наш, молитвами Всепречистыя Владычицы нашея Богородицы и Приснодевы Марии, святых равноапостольных великого князя Владимира и великия княгини Ольги, святых Новомучеников и исповедников Церкви нашея, преподобных и богоносных отец наших Антония и Феодосия, Киево-Печерских чудотворцев, Сергия, игумена Радонежского, Иова Почаевского, Серафима Саровского и всех святых, благоприятну сотвори молитву нашу о Церкви и о всех людех Твоих.

От единыя купели Крещения, еже при святем князе Владимире, мы, чада Твои, благодать восприяхом, – дух братолюбия и мира в сердцах наших навеки утверди!

Иноплеменным же языком, брани хотящим и на Святую Русь ополчающимся, – запрети и замыслы их ниспровергни.

Благодатию Твоею власть предержавших ко всякому благу настави, воинов – в заповедях Твоих утверди, лишенная крова – в дома введи, голодные – напитай, недугующая и страждущая – укрепи и исцели, в смятении и печали сущим – надежду благую и утешение подаждь, на брани убиенным – прощение грехов и блаженное упокоение сотвори.

Глас 8-й

Песнь 1

Ирмос: Воду прошэд яко сүшу, и египетскаго зла избежав, израильтянин вопияше: Избавителю и Бóгу нáшему пойм.

Припев: Пресвятáя Богорóдице, спаси нас.

Мно́гими содержи́мь напáстьми, к Тебé прибега́ю, спасéния искый: о, Мáти Слóва и Дéво, от тяжких и лю́тых мя спаси́.

Пресвятáя Богорóдице, спаси́ нас.

Страстéй мя смущáют прилóзи, мно́гаго уны́ния испóлнити мою́ дүшу; умири́, Отрокови́це, тишино́ю Сы́на и Бóга Твоегó, Всенепорóчная.

Слава: Спáса рóждшую Тя и Бóга, молю́, Дéво, избáвители ми лю́тых: к Тебé бо ны́не прибега́я, простира́ю и дүшу и помышлéние.

И ныне: Недү́гующа тéлом и душéю, посещéния Божéственного и промыслéния от Тебé сподóби, ед́ина Богомáти, яко Благáя, Благáго же Родительница.

Песнь 3

Ирмос: Небéснаго крү́га Верхотворче Гóсподи, и Цéркве Зиждителю, Ты менé утверди́ в любви́ Твоей, желáний кра́ю, вёрных утверждéние, ед́ине Человеколю́бче.

Пресвятáя Богорóдице, спаси́ нас.

Предстáтельство и покрóв жи́зни моея́ полага́ю Тя, Богородительнице Дéво: Ты мя окорми́ ко пристáнищу Твоему́, благих винóвна, вёрных утверждéние, ед́ина Всепéтая.

Пресвятáя Богорóдице, спаси́ нас.

Молю́, Дéво, душе́вное смущéние и печáли моея́ бүрю разорíti: Ты бо, Богоневéстная, начальника тишины́ Христá родила́ еси́, ед́ина Пречистая.

Слава: Благодéтеля рóждши дóбрых винóвнаго, благодéяния богáтство всем источи́, вся бо мóжеша, яко сильнаго в крéпости Христá рóждши, Богоблажéнная.

И ныне: Лю́тыми недү́ги и болéзненными страстьми́ истязáему, Дéво, Ты ми помоги́: исцелéний бо неоскү́дное Тя зная́ сокровище, Пренепорóчная, неизживáемое.

Спасі от бед рабы́ Твоя́, Богородице, яко вси по Бóзе к Тебѣ прибегаѣм, яко неруші́мей стенѣ и предстáтельству.

Призри благосѣрдием, всепѣтая Богородице, на моѣ лютое телесѣ озлоблѣние, и исцели́ души́ моея́ болѣзнь.

Тропарь, глас 2-й

Молѣние тѣплое и стенá необорíмая, мíлости истóчнице, мíрови прибѣжище, прилѣжно вопиѣм Ти: Богородице Влады́чице, предварí, и от бед избáви нас, едíна вскóре предстáтельствующая.

Песнь 4

Ирмос: Услы́шах, Гóсподи, смотрѣния Твоегó таинство, разумѣх дела́ Твоя́ и прослáвих Твоѣ Божествó.

Пресвятáя Богородице, спасí нас.

Страстѣй мо́их смущѣние, кóрмчию рóждшая Гóспода, и бúрю утíши мо́их прегрешѣний, Богоневѣстная.

Пресвятáя Богородице, спасí нас.

Милосѣрдия Твоегó бѣздну призывáюще подáждь ми, Яже Благосѣрдаго рóждшая и Спáса всех пою́щих Тя.

Пресвятáя Богородице, спасí нас.

Наслажда́ющесея, Пречíстая, Тво́их даровáний, благодарственное воспевáем пѣние, вѣдуще Тя Богомáтерь.

Слава: На одрэ́ болѣзни моея́ и нѣмощи низлежа́щу ми, яко Боголюбíва, помози́, Богородице, едíна Приснодѣво.

И ныне: Надѣжду и утверждѣние и спасѣния стѣну недви́жиму имúще Тя, Всепѣтая, неудобства вся́каго избавля́емся.

Песнь 5

Ирмос: Просветí нас повелѣнии Тво́ими, Гóсподи, и мы́шцею Твоѣю́ высо́кою Твой мир подáждь нам, Человеколю́бце.

Пресвятáя Богородице, спасí нас.

Испóлни, Чíстая, весѣлия сѣрдце моѣ, Твою́ нетлѣнную даю́щи рáдость, весѣлия рóждшая винóвнаго.

Пресвятáя Богородице, спасí нас.

Избáви нас от бед, Богорóдице Чíстая, вéчное рóждши избавлéние, и мир, всяк ум преимúщий.

Слава: Разрешí мглу прегрешéний моíх, Богоневéсто, просвещéнием Твоея свéтлости, Свет рóждшая Божéственный и превéчный.

И ныне: Исцели́, Чíстая, душí мояя неможéние, посещéния Твоегó сподóбльшая, и здравие молíтвами Твоими подáждь ми.

Песнь 6

Ирмос: Молíтву пролию́ ко Гóсподу, и Тому́ возвещу́ печáли моя́, я́ко зол душá моя́ испóлнится, и живóт мой áду прибли́жися, и молю́ся я́ко Ио́на: от тли, Бóже, возведí мя.

Пресвятáя Богорóдице, спасí нас.

Смéрти и тли я́ко спасл есть, Сам Ся издáв смéрти, тлéнием и смéртию моé естество́ я́то бýвшее, Дéво, моли́ Гóспода и Сы́на Твоегó, врагóв злодéйствия мя избáвити.

Пресвятáя Богорóдице, спасí нас.

Предстáтельница Тя животá вем и Хранíтельница твёрду, Дéво, и напáстей решáщу молвы́, и нало́ги бесóв отгоня́ющу; и молю́ся всегдá, от тли страстéй моíх избáвити мя.

Слава: Я́ко стéну прибéжища стяжáхом, и душ́ всесовершенство́е спасéние, и пространство́ в скóрбех, Отрокови́це, и просвещéнием Твоим прíсно радуемся: о, Влады́чице, и ны́не нас от страстéй и бед спасí.

И ныне: На одрэ́ ны́не немощствúяй лежý, и несть исцелéния плóти моéй: но, Бóга и Спáса ми́ру и Избáвителя недúгов рóждшая, Тебé молю́ся, Благо́й: от тли недúг возстáви мя.

Кондак, глас 6-й

Предстáтельство христиáн непосты́дное, ходата́йство ко Творцú непрелóжное, не прéзри грéшных молéний глáсы, но предвари́, я́ко Благо́я, на пóмощь нас, вёрно зовúщих Ти; ускори́ на молíтву, и пощíся на умолéние, предстáтельствующи прíсно, Богорóдице, чтúщих Тя.

Другой кондак, глас тот же

Не íмамы инýя пóмощи, не íмамы инýя надéжды, рáзве Тебé, Пречíстая Дéво. Ты нам помози́, на Тебé надéемся, и Тобóю хвáлимся, Твои́ бо есмý рабы́, да не постыд́мся.

Стихира, глас тот же

Не ввѣри мя человѣческому предстательству, Пресвятая Владычице, но прими моление раба Твоего: скорбь бо обдержит мя, терпети не могу дѣмонскаго стреляннѣя, покрова не имам, ниже где прибегну окаяннѣй, всегда побеждаемъ, и утешения не имам, разве Тебѣ, Владычице мѣра, упование и предстательство вѣрных, не презри моление мое, полезно сотвори.

Песнь 7

Ирмос: От Иудѣи дошедше отроцы, в Вавилоне иногда, верою Троицкою пламень пещный попраша, поуще: отецъ Божѣ, благословенъ еси.

Пресвятая Богородице, спаси нас.

Наше спасение якоже восхотелъ еси, Спасе, устроить, во утробу Девы вселился еси, юже миру Предстательницу показалъ еси: отецъ нашихъ Божѣ, благословенъ еси.

Пресвятая Богородице, спаси нас.

Волителя милости, Егже родила еси, Мати чистая, умоли избавитися от прегрешений и душевныхъ сквернъ верою зовущимъ: отецъ нашихъ Божѣ, благословенъ еси.

Слава: Сокровище спасения и Источникъ нетления, Тя рождшую, и столп утверждения, и дверь покаяния, зовущимъ показалъ еси: отецъ нашихъ Божѣ, благословенъ еси.

И ныне: Телесныя слабости и душевныя недуги, Богородительнице, любовью приступающихъ къ крову Твоему, Дево, исцелити сподоби, Спаса Христа намъ рождшая.

Песнь 8

Ирмос: Царя Небеснаго, Егже поютъ вси ангельстии, хвалите и превозносите во вся вѣки.

Пресвятая Богородице, спаси нас.

Помощи яже от Тебѣ требующий не презри, Дево, поущия и превозносящия Тя во вѣки.

Пресвятая Богородице, спаси нас.

Неможение души моея исцеляеши и телесныя болѣзни, Дево, да Тя прославлю, Чистая, во вѣки.

Слава: Исцелений богатство изливаеши верно поющим Тя, Деве, и превозносящим неизреченное Твое рождество.

И ныне: Напастей Ты прилоги отгоняеши и страстей находы, Деве: темже Тя поем во вся веки.

Песнь 9

Ирмос: Воистинну Богородицу Тя исповедуем, спасеннии Тобою, Деве Чистая, с безплотными лики Тя величающе.

Пресвятая Богородице, спаси нас.

Тока слез моих не отврати, Яже от всякаго лица всяку слезу, отъемшаго, Деве, Христа рождающая.

Пресвятая Богородице, спаси нас.

Радости мое сердце исполни, Деве, Яже радости приемшая исполнение, греховную печаль потребляющи.

Пресвятая Богородице, спаси нас.

Пристанище и предстательство к Тебе прибегающих буди, Деве, и стена нерушимая, прибежище же и покров и веселие.

Слава: Света Твоего зарями просвети, Деве, мрак неведения отгоняющи, благоверно Богородицу Тя исповедающих.

И ныне: На месте озлобления немощи смирившагося, Деве, исцели, из нездравия во здравие претворяющи.

Стихиры, глас 2-й

Высшую небес и чистшую светлостей солнечных, избавльшую нас от клятвы, Владычицу мира песнями почитим.

От многих моих грехов немощствует тело, немощствует и душа моя; к Тебе прибегаю, Благодатней, надеждо ненадежных, Ты ми помози.

Владычице и Мати Избавителя, прими моление недостойных раб Твоих, да ходатайствуеши к Рождшемуся от Тебе; о, Владычице мира, буди Ходатаица!

Пою прилежно Тебе песнь ныне, Всепетой Богородице, радостно: со Предтечею и всеми святыми моли, Богородице, еже ущедрити ны.

Вся Ангелов воинства, Предтече Господень, апостолов двенадцатице, святии вси с Богородицею, сотворите молитву, во еже спастися нам.

Молитвы ко Пресвятой Богородице

Царіце моя преблагая, надéждо моя Богорóдице, приятелище сѣрых и странннх Предстáтельница, скорбящих радосте, обидимых Покровительнице! Зрѣши мою беду, зрѣши мою скорбь, помози ми яко немощну, окорми мя яко странна. Обиду мою веси, разреши ту, яко волиши: яко не имам инья помощи разве Тебѣ, ни инья Предстáтельницы, ни Благія Утѣшительницы, токмо Тебѣ, о Богомати, яко да сохраниши мя и покрѣши во вѣки вѣков. Амѣнь.

К кому возопію, Владычице? К кому прибѣгну в горести моей, аще не к Тебѣ, Царіце Небѣсная? Кто плач мой и воздыхание мое приимет, аще не Ты, Пренепорочная, надéждо христиан и прибѣжище нам грѣшным? Кто паче Тебѣ в напáстех защитит? Услыши ўбо стенание мое, и приклони ўхо Твое ко мне, Владычице Мати Бóга моего, и не презри мене, трéбующаго Твоея помощи, и не отрини мене грѣшнаго. Вразуми и научи мя, Царіце Небѣсная; не отступи от мене раба Твоего, Владычице, за роптание мое, но буди мне Мати и Заступница. Вручаю себѣ милостивому покрову Твоему: приведи мя грѣшнаго к тихой и безмятежней жизни, да плачуся о гресѣх моих. К кому бо прибегну повинный аз, аще не к Тебѣ, упованию и прибѣжищу грѣшных, надéждою на неизреченную милость Твою и щедроты Твоя окрѣляемъ? О, Владычице Царіце Небѣсная! Ты мне упование и прибѣжище, покров и заступление и помощь. Царіце моя Преблагая и скорая Заступнице! Покрый Твоим ходатайством моя прегрешения, защити мене от враг видимых и невидимых; умягчи сердца злых человек, возстающих на мя. О, Мати Господа моего Творца! Ты еси корень дѣвства и неувядаемый цвет чистоты. О, Богородительнице! Ты подаждь ми помощь немощствующему плотскими страстьми и болѣзнующему сердцем, еди́но бо Твое и с Тобóю Твоего Сына и Бóга нашего имам заступление; и Твоим пречудным заступлением да избавлюся от всякия бѣды и напáсти, о Пренепорочная и Преслáвная Бóжия Мати Маріе. Тѣмже со упованием глаголю и вопию: радуйся, благодатная, радуйся, обрадованная; радуйся, преблагословенная, Господь с Тобóю.